

tuhiu

zou a'amtɬ cumas'a na la yainca tuhiu? "tuhiu" mais'a mono na'no
ca'i, maincis'a peela teapha no sumsu? mo cihi ci micu na no'yangtosa ci
mameooi, mo miuupopoha'o miezuhu mi'usnu a'o ho mainca-- "'e tuhiu ta
e'e ta cou a'toana, mo yuso no mav'ov'o 'o e'a'ausnasi, 'omo coni, 'a i'ola
no yonto feongo to evi ci chumu; 'o mon'a coni, 'a i'o mono yonta koyu su
ci t'ee ta koyu su, 'e t'ee ta koyu teno'so aahta peela ana! ta tan'e 'e te'o
engha ci tuhiu, 'a i'ola yonto feongo to evi ci chumu.

ne noana'o, 'e cou hola uhne fuengu ma'ila'so acou mahno chumu te,
lea at'ingha naa'no co'cohivi 'ote peela ima ci chumu to auhuhucu to ceonɬ,
ho moeno vovoezɬ, i'o no tuhiu lasi yupaniaeno ta'eyuva ei'eima to
yuansou ho mazozomɬ ci chumu, at'inghi 'alasis'a acɬha seec'ha ima 'o
tuhiu te.

mo'ula fiho to aacnimu ak'i ho uhne yabukiana zou ho mioci nana'so
bihbiavovei, honci'so o'te ake'i fihno zomɬ, c'o huhucmasi opaski tomo
maski ci yoskɬ. i'nɬskɬ momiacu sɬc'ɬɬ to tec'u mome'usnu ne
yamasiana, 'so asngɬcɬ smai'oc'o cuno yuhohaengi ho kuici mecu, uk'a ci
isi'so aiti ci haengu to ceonɬ, yainca no koe'u, mate'so maiinenu ta'ucu

asonɬ smoekeukeucu!

ne mio, 'o ak'i'u mo akameosɬ miovei, teokakaebɬ ho mas'usnu to
omia ho maica--"talɬi como 'aptaptaungɬ!", zou ci'aeno mau'to'tohungɬ no
maameoito ta fuengu.

mimia(mimza) mo'ofeihnihe to vhona si tomo peovainɬ to
omia(omza), cu aiti 'omo na'no tnguceofɬ, panto mo bohfoyo cimo
kahkumɬ ci evi no fnau, mamɔ yonsica simo 'aptaptaungɬ! cu sɬc'ɬhi,
mamɔ'so angɬ bankake ho mafeusɬ, mo angɬ miskinga lasi no'so ahta slɬa
no hie, c'o mi'usni ho mɬyɬmɬcɬ ta ngeoi! ieni tan'e ho eusvɬsvɬtɬ 'o
mameoi, isi yainca-- "'e tuhiu, honci uk'a ake'i hivsu no yuansou hono
mazozomɬ to aukukuyungɬ si, upena honci na'no cofkoya na chumusi,
teav'as'a ocia pɬpɬputate".

zou honci pano mokoengɬ si honcino o'te mocmoci yoi cimo
peisfeifei'i no chumu, pano mo yo'u ci mai ino no ceoyu, teongo hono zuu,
hocino o'te pano mat'et'e ho pano isi tuop'opa to aukukuyungɬ si. zou ci'a
lano huomia, ho lasi m'ameonga no mayuyuansou teto peela mihmi'usni.

(文章大意 僅供參考) ※字數限 200 字

山林之甘露

tuhiu 到底是什麼？「tuhiu」不是很髒嗎？怎麼可以放入嘴巴？一位白髮蒼蒼的長者，緩緩轉頭微笑對我說：「tuhiu 在鄒語有二種意涵。一為樹洞積水，另一為耳朵中的耳屎。這裡所說的是樹洞積水之山林甘露」。

上山時，祖父忽然轉頭，眉開眼笑指向上側：「聽吵雜聲！」這就是老人山林智慧。到達現場，因位處太高及濕滑只能望梅止渴，長輩就機會教育，他說：若 tuhiu 四週完全無野獸或鳥類之痕跡，再乾淨也不可碰觸；若是水中有蚊子幼蟲蠕動始可有想法。